



**Meeqqanut, Inuusuttunut,  
Ilinniartitaanermut, Kultureqarnermut,  
Timersornermut Ilageeqarnermullu  
Naalakkersuisoq**

[ijan@nanaq.gl](mailto:ijan@nanaq.gl)

Ulloq: 17-10-2023

J.nr.: 01.38.01.04-00043

**Sisamangornermi ulloq 19. Oktober 2023-imi inersuarmi ataatsimiinnerup kinguinngua ataatsimiittarfik Erling Høeghimi Ilaqutariinnermut Peqqissutsimullu Ataatsimiititaliap aammalu Kukkunersiuinnermut Ataatsimiititaliap siunersiuinissaannut/ ilisimatitsiffiusumik ataatsimeeqatiginissaannut aggeqqusissut**

Ilaqutariinnermut Peqqissutsimullu Ataatsimiititaliap aammalu Kukkunersiuinnermut Ataatsimiititaliap, Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq siunersiuinissamut/ ilisimatitsiffiusumik ataatsimeeqatigiinnissamut matumuuna aggersarneqarpoq. Siunersiuinnermi/ ilisimatitsiffiusumik ataatsimeeqatigiinnermi qulequttat ataani allassimasunut attuumassuteqarput imalu tullerriaarneqarlutik:

- Meeqqat inuusuttullu pillugit danskit kalaallilu suleqatigiinnerat, matumani ilanngullugu Naalakkersuisut killiffik pillugu allakkiaat aammalu nalunaarusiaq "anguniakkat malitseqartinnerinut atuutilersinneqarnerinullu killiffik, killiffilersuilluni nalunaarusiaq upernaakkut 2023"- 5. September 2023-imi ataatsimiititaliap ilaasortaanut nassiunneqarpoq
- Qulaani taaneqartunut Aningaasanut Inatsimmi aningaasaliissutit
- Meeqqanut inuusuttunullu nuna tamakkerlugu ulloq unnuarlu angerlarsimaffiit ulloq unnuarlu akigititaat
- Imm. 29: Uunga siunnersuut Meeqqat tapersorsorneqarnissaannut Inatsisartut inatsisaata allanngortinneqarneranik Inatsisartut inatsisaat (Meeqqanut ilaqutariinnullu sullissiviit inatsisitigut tunngavissinneqarnissaat, sulianik suliarinnittarnermut aaqqissuussaq digitalikkut ataatsimoorussaq, Isumaginninnermut Aqutsisoqarfiup suliassanik erseqqissaaneq il. il.)

Ataani allassimasut ataatsimiititaliamit apeqqutigerusunneqarput:

**1. Ilanngussaq 1- killiffik pillugu allakkiaq januar 2023-imi qupperneq 2-mi allassimavoq:**

***"Suliniutini ataasiakkaani qanoq angusaqartigisoqarnersup ataatsimoortumik takuneqarnissaa siunertaralugu, suut amigaataanersut aamma suliniutip 2023-p naanerani unitsinneqarnerata kingorna tunngavissiiinissamut qanoq iliuseqartoqarsinnaanersoq paasiniallugu atuuttussanngortitsinissamik tunngavissiiinissamillu pilersaarusiornerit qitiutinneqarput".***

Suliniutip naammassereernerani suliniuteqarfiit assigiinngitsut pillugit siumut isigisumik pilersaarutit pillugit paasissutissiisoqarnissaa matumani ilanngullugu meeqqanut inuusuttunullu kommunit Namminersorlutillu Oqartussat akornanni suleqatigiinnerup ingerlaannarnissaanut aningaasatigullu kingunerisassat pillugit erseqqissaasoqarnissaa Naalakkersuisunut qinnutigineqarpoq.

## 2. Sumiginnakkanut isumaginninnikkut suliniutinut konto pingaarneq 30.10.49 pillugu Kukkuersuiunermut Ataatsimiititaliamit apeqquutit

Kalaallit Nunaanni meeqqanut inuusuttunullu sumiginnakkanut suliniutit nukittorsarneqarnissaat pillugu danskit naalagaaffiat Naalakkersuisullu suleqatigiinnissamut isumaqatigiissuteqartut ataatsimiititaliamit ilisimaneqarpoq, tassani ukiunut sisamanut 2019-imiit 2023-imut katillugit 100 mio. kr.-t aningaasaliisoqarsimalluni.

Danskit aningaasanut inatsisaanni siunertamut 80 mio. kr.-inik immikkoortitsisoqarpoq, Kalaallit Nunaata aningaasanut inatsisaanni 20 mio. kr.-inik immikkoortitsisoqartoq. 2021-imi Kalaallit Nunaata aningaasanut inatsisaanni 3,5 mio. kr.-inik immikkut tapiissuteqartoqarnissaa akuersissutigineqarpoq.

a)

Naalakkersuisut akissuteqaataanni allassimavoq naatsorsuutit pillugit nassuiaatinut ataatsimiititaliap apeqquteqaataanut ulloq 27 juli 2023-imi tiguneqartumi katillugit 10,95 mio. kr.-t nunatsinnit akilerneqarsimasut.

Piffissami 2019-imiit 2022-imut naatsorsuutit pillugit nassuiaatit ataatsimiititaliamit misissorneqarput, tassani allassimavoq katillugit 8,176 mio. kr.-inik katillugit atuisoqarsimasoq, soorlu kisitsisini ataani allassimasuni takuneqarsinnaasoq. 2019-imiit 2022-imut Kalaallit Nunaata aningaasaliissutai qassit atorneqarsimanersut ersarissarneqarnissaat ataatsimiititaliap kissaatigaa.

Ukioq naatsorsuiffiusoq	Aningaasaliissutit	Ukiumut atuinerit	Nuussinerit
2019	20.000.000,00 kr.	- kr.	20.000.000,00 kr.
2020		2.179,00 kr.	17.821.000,00 kr.
2021	3.500.000,00 kr.	4.164,00 kr.	17.157.000,00 kr.
2022		1.833,00 kr.	15.324.000,00 kr.
Naatsorsuineq 2022		8.176,00 kr.	15.324.000,00 kr.

b)

Naatsorsuutit pillugit nassuiaatinut ulloq 12. oktober 2023-imi tiguneqartut ataatsimiititaliap malitseqartitsilluni apeqqutaanut Naalakkersuisut akissuteqaataanni kalaallit danskillu suliat akimorlugit suleqatigiinnerannut 2022-imut naatsorsuutit nassiunneqarput. Naatsorsuutini

nassiunneqartuni allassimavoq ukiumut naatsorsuusiorfiusumut 2022-imut katillugit 3,06 mio. kr.-t Kalaallit Nunaannit akiliutigineqarsimasut.

2022-imut Nunatta Karsiata naatsorsuutai pillugit nassuiaatini allassimavoq 1,833 mio. kr.-t atorineqarsimasut. Ukiumut naatsorsuiffiusumut 2022-imut Kalaallit Nunaannit akilerneqarlutik atorineqarsimasut qassiunersut Naalakkersuisut nassuiaatigissagaat ataatsimiititaliamit qinnutigineqassaaq.

c)

Piffissap ingerlanerani Kalaallit Nunaannit aningaasaliissutinik naammattunik suli peqarnerata nalaani ilassutitut aningaasaliissutinik qinnuteqartoqarsimasooq ataatsimiititaliamit maluginiarneqarpoq. Tamanna sumik pissuteqarpa?

d)

Naak Kalaallit Nunaata aningaasaliissutaat tamakkeqqajarnagit atorineqarsimagaluartut suliniummi naammaginartumik angusaqartoqarsimasooq Naalakkersuisunit nalilerneqarpa?

e)

2023-ip naanerani isumaqatigiissut atorunnaarpat aningaasat atorineqanngitsut Nunatta Karsianut utertinneqarnissaat Naalakkersuisunit siunertarineqarpa?

**3. Meeqqanut inuusuttunullu nuna tamakkerlugu ulloq unnuarlu angerlarsimaffinnut konto pingaarneq 30.10.37 pillugu Kukkuersiunermit Ataatsimiititaliap apeqquteqaatai**

a)

Naatsorsuutit pillugit nassuiaatinut ataatsimiititaliap apeqquteqaataanut Naalakkersuisut akissuteqaataanut aallarniutigalugu ataatsimiititaliaq qujassuteqassaaq. Naalakkersuisut akissuteqaataat aallaavigalugit 2022-imut naatsorsuutinut sunniuteqartut akiliutit utertinneqarnerinut pissutaasooq sukumiinerusumik nassuiaatigineqarnissaat ataatsimiititaliamit kissaatigineqarpoq.

b)

Pineqartumi aningaasartuutit qaffakkiartortut kommunit malugisimagaat peqatigisaanillu akigitinneqartut meeqqap ilinniagaqarnerata nalaani ulloq unnuarlu angerlarsimaffiit meeqqamut aningaasartuutaat pisariaqartinneqartunut naammangitsut ataatsimiititaliamit eqqumaffigineqarpoq.

Namminersorlutik Oqartussat nalunaarutaanni nr. 50, 31. august 2021-meersumi §49 naapertorlugu Naalakkersuisut kommunalbestyrelsillu isumaqatigiinniareerneranni akiliutigineqartartoq aalajangersarneqarsimavoq. Atuivallaartoqarsinnaanerani atuinikippallaartoqarsimaneraniluunniit ulloq unnuarlu siunissami akigitinneqartussanut ilanngunneqartalissapput.

Ukiumoortumik akigitinneqartussanut isumaqatigiinniarnert aallaavigalugit ajornartorsiutinut taaneqartunut tunngatillugu aningaasaqarnikkut mianerisassat naleqquttumik

isiginiarneqartut Naalakkersuisunit nalilerneqarnersut ataatsimiititaliamit paaserusunneqarpoq.

**4. Apeqqutit kingulliit Ilaqutariinnermut Peqqissutsimullu Ataatsimiititaliami suliarineqartumut immikkoortoq 29-imut nalinginnaasumik oqaaseqaatinut tunngassuteqarput:**

4.1.

*Issuaaneq: "Sulisaatsimi paasinarsisimavoq ingerlatsineq pillugu isumaqatigiissuteqarneq akuerisaanissamut piumasaqaatinut atatillugu nammineerluni pingaaruteqanngitsoq. Taamaattumik Inatsisit allanngortinnissaannut siunnersuutikkut matumuuna ingerlatsineq pillugu ulloq unnuarlu paaqqinniffiit Naalakkersuisullu akornanni isumaqatigiissuteqarnissamut piumasaqaat peerneqarpoq".*

Qulaani allassiasup oqaasertaliorneqarnera tamatumalu allanngortinneqarneranut tunuliaqutaasup Naalakkersuisumut itisileqquneqarput?

4.2.

*Issuaaneq: "Meeqqat illui pilersaarutaapput 2022-2024-mi illoqarfinni pingasuni ukunani ingerlanneqartussat: Maniitsoq, Ilulissat aamma Tasiilaq. Pilersaarummit matumani misilittakkanik pissarsisoqareerpat meeqqanut ilaqutariinnullu sullissivinnut atatillugu illoqarfinni amerlanerusuni meeqqat illuinik pilersitsinissamut kommunit kissaateqarsinnaanerannut tunngavissiisinaavoq".*

Meeqqat illuinik pilersinniarneqarnerinut tunuliaqutaasoq nassuiaqqullugu aammalu neqeroorutip suliarineqarnerani inatsisit tunngavigineqartut nassuiaqqullugit Naalakkersuisoq qinnuigineqarpoq?

4.3

*Issuaaneq: "Matumunnga meeqqanut ilaqutariinnullu sullissiviit najugaqarfinnut, meeqqat illuinut qimarnguinnullu nutaanut atassusiinissamut kommunit toqqagaqarpata taamatuttaaq aningaasaqarnikkut allaffissornikkullu matumani sunniuteqassaaq".*

Kommunit aaqqiissut taanna toqqarneqassappat qanoq takorluuisoqarnerasoq/ aningaasatigullu kingunerisassat saqqummersinnaasut pillugit Naalakkersuisumut nassuiaqquneqarput?

4.4

*Issuaaneq: "Akissut: Tusaatissatut tiguneqarpoq. Inummik tapersersortissamik aamma angajoqqaatut oqartussaassusilinnut iliusissanik pilersaarusiortoqarnissaanut aalajangersagaq inatsisissatut siunnersuummit peerneqarpoq. Iliusissatut pilersaaruteqartoqarnissaanut piumasaqaat angerlarsimaffimmi isumassuineranut*

*avatangiisit pitsaanerulersinneqarnissaat anguniarlugu meeraq pillugu iliussissamut pilersaarummi erserpoq. Piumasaqaat taanna allatut itisilernerqarumaarpoq”.*

Piumasaqaatip matuma qanoq itisilernerqarsinnaanersoq nassuiaqqullugu Naalakkersuisoq qinnuigineqarpoq?

4.5

*Issuaaneq: ”Akissut: Isumaginninnermut Aqutsisoqarfik massakkorpiaq kommunini suliaasanut sulisunik atukkiussinissamut naammattunik sulisoqanngilaq. Kommunit ikiorneqarnissaasa aaqqiiffiginissaat sulissutigineqarpoq”.*

Ikiorserneqarnissamik pisariaqartitsineq qanoq ikiorsiiffigineqassanersoq pivirusunngortinneqarsimanersorlu nassuiaatigeqqullugu Naalakkersuisoq qinnuigineqarpoq?

Siunersiuinermit/ ilisimatitsiffiusumik ataatsimiinnermi malitseqartitsilluni apeqquteqarnissaq ataatsimiititaliap naatsorsuutigaa.

Ataatsimiititaliap aamma Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq akornanni oqaloqatigiinnermi sapinngisamik naalakkersuinikkut pisunik oqaloqatigiinnertut iluseqarnissaa ataatsimiititaliamit anguniarneqarpoq – tassa pingaarnersiuinerit anguniakkallu pillugit. Oqaloqatigiinnerit sapinngisamik atuffasserpalaartuunnginnissaat kissaatigineqarpoq.

Naggataatigut siunersiuinermit qulaani allassimasutut apeqqutigineqartunut kalaallisut danskisullu allakkiamik tigusaqarnissani ataatsimiititaliap kissaatigaa. Allakkiaq qarasaasiakkut ataatsimiititaliap allattaanut [mika@ina.ala.gl](mailto:mika@ina.ala.gl)-mut aamma [cecal@ina.ala.gl](mailto:cecal@ina.ala.gl)-imut siunersiuinerup kinguninngua nassiateqquneqarpoq. Allakkiaq nassarneqassappat siunersiuinermilu atorneqarluni siunersiuinerup aallartinginnerani assilinerata ataatsimiititaliap nutserisuanut tunniunneqassaaq.

Inussiarnersumik inuulluaqqusilluta

Mala Høy Kúko, Ilaqutariinnermut Peqqissutsimullu Ataatsimiititaliap siulittaasua aamma Mariia Simonsen Kukkunersiuinermit Ataatsimiititaliap siulittaasua



Ilaqutariinnermut Peqqissutsimullu Ataatsimiititaliaq  
Kukkunersiuinnermut Ataatsimiititaliaq  
Inatsisartut

19-10-2023  
Suliap normua 2023 - 14630  
Allakkap ilisarnaataa 23518954

Postboks 260  
3900 Nuuk  
Oqarasuaat (+299) 34 50 00  
Nassitsigasuaat(+299) 34 66 66  
E-mail: iian@nanoq.gl  
www.naalakkersuisut.gl

**Ulloq 19. oktobari 2023 isumasioqatigiinnermi / ilisimatitsiffiusumik  
ataatsimiinnermi akissutit**

**Apeqput 1 Ilanngussaq 1- kiliffik pillugu allakkiaq januar 2023-imi qupperneq 2-mi allassimavoq:**

***"Suliniutini ataasiakkaani qanoq angusaqartigisoqarnerup ataatsimoortumik takuneqarnissaa siunertaralugu, suut amigaataanersut aamma suliniutip 2023-p naanerani unitsinneqarnerata kingorna tunngavissiiinissamut qanoq iliuuseqartoqarsinnaanersoq paasiniarlugu atuuttussanngortitsinissamik tunngavissiiinissamillu pilersaarusiorderit qitiutinneqarput".***

*Suliniutip naammassereernerani suliniuteqarfiit assigiinngitsut pillugit siumut isigisumik pilersaarutit pillugit paasissutissiisoqarnissaa matumani ilanngullugu meeqqanut inuusuttunullu kommunit Namminersorlutillu Oqartussat akornanni suleqatigiinnerup ingerlaannarnissaanut aningaasatigullu kingunerisassat pillugit erseqqissaasoqarnissaa Naalakkersuisunut qinnutigineqarpoq.*

Akissut: Initiativ Siusissukkut iliuuseqarneq pillugu siunertaq 1, 2 aamma 3. Kontomi pingaarnermi 30.10.48-mi aningaasat immikkoortinneqarsimapput siusissukkullu iliuuseqarnermik sulinerup ingerlateqqinnissaa aningaasaliissutigineqarsimasut iluanni ingerlanneqarsinnaanissaa naatsorsuutigineqarpoq.

Kajumissutsimik suliniuteqarneq pillugu siunertaq 4. Sulinerup ingerlateqqinnissaa, tamatumani nittartagaq [www.paarisa.gl/frivillighed](http://www.paarisa.gl/frivillighed) ilanngullugu Isumaginninnermut Aqutsisoqarfimmi / Paarisami ilaalereerpoq. Tamatumunnga aningaasaliinerusoqaaqqinnissaa naatsorsuutigineqanngilaq.

Sulianik suliaqarnermik suliniuteqarneq pillugu siunertaq 5-imut tunngatillugu apeqputinut 2 c-mut aamma 4.5-imut akissutit innersuussutigineqarput.

Kommunini sulianik suliaqarnerup tapersorsorneqarnissaa pillugu siunertaq 6. Apeqqummut 4-mut akissuteqaat innersuussutigineqarpoq.

Meeqqat inuusuttullu pillugit isumaginninnikkut suliassaqarfimmi piginnaanngorsaallunilu piginnaasanik ineriartortitsinissamut neqeroorutiniq tamakkiisumik takunnissinnaalernissaaq pillugu siunertaq 7. Ilaatigut nittartagaliortoqassaaq, tassani pikkorissarnissat ilinniaqqinnissallu



neqeroorutigineqarsinnaassallutik. Isumaginninnermut Aqutsisoqarfiup nittartagaq aningaasaliissutigineqartut iluanni isumagaa.

Meeqqat inuusuttullu atugarliortut unnukkut unnuakkullu, pingaartumillu aningaasarsisimasoqartillugu sapaatit akunnerisa naaneranni toqqissisimanartumik sumiiffisaqartinniarlugit orniguttarfiit pillugit siunertaq 8. Meeqqanut orniguttarfiit pillugit misilittakkat kommunimiit kommunimut assigiinngitsorujussuupput. Kommunit nalinginnaasumik kissaatigaat, najukkaminni pissutsinut nalimmassarsimasumik inerisaasoqassasoq. Siunertaq 2023-mi naassaaq kommunillu siunissami qanoq pisoqarumaarnera namminneq aalajangissavaat.

Ilaqutariinnut sullissiviit meeqqanut, inuusuttunullu atugarliortunut ilaqutaannullu suliniuteqarnerat pillugu siunertaq 9. Kommunit, ilaqutariinnut sullissiviit ilaqutariillu illuisa akornanni aqutsisut attaveqatigiiffiat pilersinneqarpoq workshopillu ingerlanneqarsimallutik. Kisianni aqutsisut attaveqatigiiffiata tapersorneqarnerata ingerlatiinnarnissaannut aningaasanik immikkoortitsisoqarsimanngilaq assersuutigalugu workshopinut. UKA 2023-mi inatsisissatut siunnersuummi oqaluuserisassaq 29-mi siunnersuutigineqarpoq ilaqutariinnut sullissiviit malittarisassiorneqassasut tamannalu meeqqanut ilaqutariinnullu sullissiviit pillugit nalunaarummi tunngaveqassasoq. Ilaqutariinnut sullissivinni ataasiakkaani suliatigut tunniussinnaasaannik takusassiortoqarsimavoq, sullissivinni piumasaqaatit atukkallu itisilerneqarlutik.

Meeqqanik katsorsaasut angalasartut pillugit siunertaq 10. AIS2021-mi siunertap kommunit ugartorneqartorujussuusup inerisaqqinnissaanut aningaasanik qinnuteqartoqarpoq.

Inersimasunut, meeqqat inuusuttullu 18-it inorlugit ukiullit kinguaassiuutaasigut kannguttaatsuliortartut pissusilersortartunut, katsorsaavimmik pilersitsinissaq pillugu siunertaq 16. Katsorsaavik pilersinneqarpoq: Klinik Killiliisa atornerarlunilu. Kontomi pingaarnermi 30.10.48-mi aningaasanik immikkoortitsisoqarsimavoq. Katsorsaavimmi suliaqarnerup saniatigut paasissutissiilluni 2024-2025 suliniuteqartoqarnissaa pilersaarutaavoq, ilaatigut nittartagaliorluni.

## **Apeqquut 2 *Sumiginnakkanut isumaginninnikkut suliniutinut konto pingarneq 30.10.49 pillugu Kukkunersuinermit Ataatsimiititaliamit apeqquut***

*Kalaallit Nunaanni meeqqanut inuusuttunullu sumiginnakkanut suliniutinut nukittorsarneqarnissaat pillugu danskit naalagaaffiat Naalakkersuisullu suleqatigiinnissamut isumaqatigiissuteqartut ataatsimiititaliamit ilisimaneqarpoq, tassani ukiunut sisamanut 2019-imiit 2023-imut katillugit 100 mio. kr.-t aningaasaliisoqarsimalluni.*

*Danskit aningaasanut inatsisaanni siunertamut 80 mio. kr.-inik immikkoortitsisoqarpoq, Kalaallit Nunaata aningaasanut inatsisaanni 20 mio. kr.-inik immikkoortitsisoqartoq. 2021-imi Kalaallit Nunaata aningaasanut inatsisaanni 3,5 mio. kr.-inik immikkut tapiissuteqartoqarnissaa akuersissutigineqarpoq.*

**Akissut:** Erseqqissaatigineqarpoq Danmarkimi aningaasanut inatsimmi 2019-imi pingaarnertut Tasiilami suliniuteqarnissamut 5,3 mio. kr.-nik immikkoortitsisoqarsimammat. Kalaallit Nunaanni meeqqanut inuusuttunullu atugarliortunut 2020-2023 iliuseqarnissamut Danmarkimi aningaasanut inatsimmi 2020-mi ukiunut sisamanut 80 mio. kr.-nik immikkoortitsisoqarpoq.

a)



Naalakkersuisut akissuteqaataanni allassimavoq naatsorsuutit pillugit nassuiaatinut ataatsimiititaliap apequteqaataanut ulloq 27 juli 2023-imi tiguneqartumi katillugit 10,95 mio. kr.-t nunatsinnit akilemeqarsimasut.

Piffissami 2019-imiit 2022-imut naatsorsuutit pillugit nassuiaatit ataatsimiititaliamit misissorneqarput, tassani allassimavoq katillugit 8,176 mio. kr.-inik katillugit atuisoqarsimasoq, soorlu kisitsisini ataani allassimasuni takuneqarsinnaasoq. 2019-imiit 2022-imut Kalaallit Nunaata aningaasaliissutai qassit atorneqarsimanersut ersarissarneqarnissaat ataatsimiititaliap kissaatigaa.

Ukioq naatsorsuiffiusoq	Aningaasaliissutit	Ukiumut atuinerit	Nuussinert
2019	20.000.000,00 kr.	- kr.	20.000.000,00 kr.
2020		2.179,00 kr.	17.821.000,00 kr.
2021	3.500.000,00 kr.	4.164,00 kr.	17.157.000,00 kr.
2022		1.833,00 kr.	15.324.000,00 kr.
<b>Naatsorsuineq 2022</b>		<b>8.176,00 kr.</b>	<b>15.324.000,00 kr.</b>

Akissut: Takussutissiami ataaniittumi 2019-2022 naatsorsuutit qanoq isikkoqarsimanersut takuneqarsinnaavoq.

Takussutissiaq 1: Kalaallit Nunaanni meeqqanut inuusuttunullu atugarliortunut pitsaanerumik suliniuteqarnissaq pillugu kalaallit danskillu oqartussaasoqarfiisa assigiinngitsunik suliallit akornanni suleqatigiinnermut 2022-mut (mio. kr.) naatsorsuutit

	2019			2020			2021			2022			Katillugit 2019- 2022
	Missingersuut Kalaallit Nunaanniit aningaasaliissutit	Kalaallit Nunaanniit akiligassanik atuineq	Missingersuutit atuinerullu assigiinngissutaat	Missingersuut Kalaallit Nunaanniit aningaasaliissutit	Kalaallit Nunaanniit akiligassanik atuineq	Missingersuutit atuinerullu assigiinngissutaat	Missingersuut Kalaallit Nunaanniit aningaasaliissutit	Kalaallit Nunaanniit akiligassanik atuineq	Missingersuutit atuinerullu assigiinngissutaat	Missingersuut Kalaallit Nunaanniit aningaasaliissutit	Kalaallit Nunaanniit tapiissutini atuineq	Missingersuutit atuinerullu assigiinngissutaat	
Imm. nutaaq.*	0	0	0	0	0	0	1,23	0,95	0,28	0,74	-	0,74	0,95
Sulin. 1	0	0	0	0	0	0	0,3	-0,02	0,32	0,43	-	0,43	-0,02
Sulin. 2	0	0	0	0	0	0	0	0,18	-0,18	0,30	-	0,30	0,18
Sulin. 3	0	0	0	0	0	0	0	0	0	0,35	-	0,35	-
Sulin. 4	0	0	0	0	0	0	0	0	0	0,24	-	0,24	-
Sulin. 5	0	0	0	0	1,33	-1,33	0,34	0,33	0,01	-	0,70	-0,70	2,36
Sulin. 6	0	0	0	0	0	0	0,96	0,48	0,48	0,95	0,12	0,83	0,60
Sulin. 7	0	0	0	0	0	0	0,23	0	0,23	0,10	-	0,10	-
Sulin. 8	0	0	0	0	0	0	1,26	0,12	1,14	0,42	0,48	-0,06	0,60
Sulin. 9	0	0	0	0	0,36	-0,36	0	0	0	0,10	-	0,10	0,36
Sulin. 10	0	0	0	0	0	0	1,55	2,45	-0,9	1,09	0,33	0,76	2,78
Sulin. 16	0	0	0	0	0	0	0,02	0	0,02	0,41	-	0,41	-
Sorpiaanera allassinngilaq	0	0	0	0	0,49	-0,49	0	-0,33	0,33	-	0,20	-0,20	0,36
<b>Katillugit</b>	<b>0</b>	<b>0</b>	<b>0</b>	<b>0</b>	<b>2,18</b>	<b>-2,18</b>	<b>5,89</b>	<b>4,16</b>	<b>1,73</b>	<b>5,13</b>	<b>1,83</b>	<b>3,30</b>	<b>8,17</b>

Missingersuutit Kalaallit Nunaanniit Danmarkimiullu aningaasaliissutit agguataarneqanngillat

2022 tikillugu aningaasat atorneqarsimasut 10,95 mio.kr. nalunaarutigineqarsimapput. Tamanna ajoraluartumik kukkuneqarpoq. Taamaallaat atorneqarsimapput 9,4 mio.kr. Kukkuneq tamanna ajuusaarutigaarput. Aamma takuuk apeqqu b.

b)





Naatsorsuutit pillugit nassuiaatinut ulloq 12. oktober 2023-imi tiguneqartut ataatsimiititaliap malitseqartitsilluni apeqqutaanut Naalakkersuisut akissuteqaataanni kalaallit danskillu suliat akimorlugit suleqatigiinnerannut 2022-imut naatsorsuutit nassiunneqarput. Naatsorsuutini nassiunneqartuni allassimavoq ukiumut naatsorsuusiortiusumut 2022-imut katillugit 3,06 mio. kr.-t Kalaallit Nunaannit akiliutigineqarsimasut.

2022-imut Nunatta Karsiata naatsorsuutai pillugit nassuiaatini allassimavoq 1,833 mio. kr.-t atorineqarsimasut. Ukiumut naatsorsuiffiusumut 2022-imut Kalaallit Nunaannit akilerneqarlutik atorineqarsimasut qassiunersut Naalakkersuisut nassuiaatigissagaat ataatsimiititaliamit qinnutigineqassaaq.

Akissut: Ukiumi naatsorsuiffiusumi 2022-mi 1,83 mio. kr.-it nunatsinnit akilerneqarsimapput. Ukiumili naatsorsuiffimmi piviusumik atorineqarsimasut tassaapput 3,06 mio. kr.-it, tamanna kalaallit qallunaallu assigiinngitsunik suliaqartut suleqatigiinneranni aqutsisuiunut nalunaarutigineqarpoq. Kisitsisit assigiinnginnerinut pissutaanersooq tassaavoq ukiup naanerani aqqissuussamut nutaamut ikaarsaariarsimanerput. 2022-mi aningaasartuutit ilai atorineqarsimasut aatsaat ukiumi naatsorsuiffiusumi 2023-mi naatsorsuutininut allanneqarsimani tamatuma kinguneraa. Kukkuersiuisumik isumaqatigiissuteqarnikkut tamanna periaaserineqarpoq.

Ukiumi naatsorsuiffiusumi 2022-mi aningaasartuutit naatsorsuutininut allanneqarsimasut ataani takuneqarsinnaapput.

Takussutissiaq 2: Kalaallit Nunaanni meeqqanut inuusuttunullu atugañiortunut pitsaanerumik suliniuteqarnissaq pillugu kalaallit danskillu oqartussaasoqarfisa assigiinngitsunik suliallit akornanni suleqatigiinneq-mud 2022-mi (mio. kr. naatsorsuutit)

	Missing er suutit 2022 DKmit aningaasaliissutit	DK-miit akiligassanik atuineq	Missing ersuutit atuinerullu assigiinngissutaat	Missing suutit 2022 Kalaallit Nunaannit aningaasaliissutit	Kalaallit Nunaannit akiligassanik atuineq	Missingersuutit atuinerullu assigiinngissutaat	2022-mi missingersuutit atuinerullu assigiinngissutaanni nikingassutit pillugit nassuiaatit
Immikkort ortaqarfik nutaa	3,85	4,22	-0,37	0,74	0,00	0,74	Inissianut akissarsianullu aningaasartuutit aningaasartuutit amerlisimatu
Suliniut 1	2,27	2,42	-0,15	0,43	0,00	0,43	
Suliniut 2	1,55	1,55	0,00	0,30	0,00	0,30	
Suliniut 3	1,82	2,26	-0,44	0,35	0,00	0,35	
Suliniut 4	1,27	1,83	-0,56	0,24	0,00	0,24	Suliniut 4 ilitsersuinermit videunik suliarinninnermut 300.000-inik uma issimavo.
Suliniut 5	0,00	0,00	0,00	0,00	0,70	-0,70	
Suliniut 6	4,99	3,71	1,28	0,95	0,12	0,83	Kommunit ilai 2022-mi atulersitsinissat 2023-mut kinguartippaat. Taamaattumik atuine annikinnerusimalluni.
Suliniut 7	0,53	0,51	0,02	0,10	0,00	0,10	
Suliniut 8	2,19	1,84	0,35	0,42	0,48	-0,06	Kommuni ataaseq aningaasaliissutinik qinnuteqarsimangilaq kommunilu alla missingersuutini tamakkiisumik atorsimani.
Suliniut 9	0,53	0,58	-0,05	0,10	0,00	0,10	
Suliniut 10	5,72	5,98	-0,26	1,09	0,33	0,76	
Suliniut 16 Sorpiaaner allassimanila	2,12	1,94	0,18	0,41	0,00	0,41	Naggataani atorfik inuttaarussimavoq oqalutseqarnissamillu pisariaqattitsisoqarsimanani, taamaattumik atuineq annikinnerusimalluni.
Katillu it	26,84	26,84	0,00	5,13	1,83	3,30	

Kisitsisit piviusut 2022



Takussutissiaq 3: Kalaallit Nunaanni meeqqanut inuusuttunullu atuganiortunut pitsaanerusumik suliniuteqarnissaq pillugu kalaallit danskullu oqartussaasoqarfisa assigiinngitsunik suliallit akornanni 2022-mi suleqatigiinnermi aningaasat piviusumik atukkat

	Missing er suutit 2022 DKmiit aningaasaliissutit	DK-miit akiligassanik atuneq	Missing ersuutit atuinerul lu assigiinngissuta at	Missing er suutit 2022 Kalaallit Nunaannii aningaasaliissutit	Kalaallit Nunaannit akiligassanik atuneq	Missingersuutit atuinerullu assigiinngissutaat	2022-mi missingersuutit atuinerullu assigiinngissutaanni nikingassutit pillugit nassuaatit
Immikkort ortaqarfik nutaa *	3,85	4,22	-0,37	0,74	0,63	0,11	Inissianut akissarsianullu aningaasartuutit aningaasartuutit amerlisimaut
Suliniut 1	2,27	2,42	-0,15	0,43	0,00	0,43	
Suliniut 2	1,55	1,55	0,00	0,30	0,30	0,00	
Suliniut 3	1,82	2,26	-0,44	0,35	0,00	0,35	
Suliniut 4	1,27	1,83	-0,56	0,24	0,00	0,24	Suliniut 4 iitersuinermut videunik suliarinninnermut 300.000-inik uma issimavo.
Suliniut 5	0,00	0,00	0,00	0,00	0,70	-0,70	
Suliniut 6	4,99	3,71	1,28	0,95	0,12	0,83	Kommunit ilai 2022-mi atulersitsinissat 2023-mut kinguartippaat. Taamaattumik atuneq annikinnerusimalluni.
Suliniut 7	0,53	0,51	0,02	0,10	0,00	0,10	
Suliniut 8	2,19	1,84	0,35	0,42	0,48	-0,06	Kommuni ataaseq aningaasaliissutit qinnuteqarsimangilaq kommunilu alla missingersuutit tamakkiisumik atorsimana it.
Suliniut 9	0,53	0,58	-0,05	0,10	0,07	0,03	
Suliniut 10	5,72	5,98	-0,26	1,09	0,76	0,33	
Suliniut 16	2,12	1,94	0,18	0,41	0,00	0,41	Naggataani atorfik inuttaarussimavoq oqalutseqarnissamillu pisariaqattisisoqarsimanani, taamaattumik atuneq annikinnerusimalluni.
Katillu it	26,84	26,84	0,00	5,13	3,06	2,07	

c)

*Piffissap ingerlanerani Kalaallit Nunaannit aningaasaliissutit naammattunik suli peqarnerata nalaani ilassutit aningaasaliissutit qinnuteqartoqarsimasoq ataatsimiititaliamit maluginarneqarpoq. Tamanna sumik pissuteqarpa?*

Akissut: Kalaallit danskullu oqartussaasoqarfisa akornanni suleqatigiinnermi sulianik suliaqarnermik ikiinerup (siunertaq 5) 2021-mi juunimi naasup ingerlateqqinneqarnissaanut ilassutit aningaasaliisoqarnissaanut 2021-mi qinnuteqartoqarpoq. Siunertaq 5-imi siunertarineqarpoq kommunini meeqqat pillugit suliat uninngasut ikilisarneqarnissaat. Ilassutit aningaasaliissutit suliat uninngasut ikilisartuarnissaanut issiaqateqarlunilu suliatigut piginnaangorsaanermut atorqartoqarsimasapput.

Kalaallit danskullu oqartussaasoqarfisa akornanni suleqatigiinneq piffissami 2020-2023 siunertanut ataasiakkaanut aningaasaliissutit missingersuusioreqareerlutillu aalajangiiffineqareersimmata erseqqissaatigineqassaaq. Siunertaq 5-imut aningaasaliissutit 2020-mit 2021-ip qiteqqunneranut missingersuusioreqarlutillu aalajangiiffineqarsimasapput. Ataatsimiititaliamit kissaatigineqarpat tamanna pillugu annertunerusumik nassuaasiortoqarsinnaavoq.

d)

*Naak Kalaallit Nunaata aningaasaliissutaat tamakkeqqajarnagit atorneqarsimagaluartut suliniummii naammaginartumik angusaqartoqarsimasoq Naalakkersuisunit nalilerneqarpa?*

Akissut: Kalaallit danskullu oqartussaasoqarfisa suleqatigiinnerat pillugu ukiup affakkaartumik killiffissiorluni nalunaarusiarineqartartut takutippaat, siunertat tamangajammik pilersaarutaasut malillugit siumut ingerlasimasut. Siunertat 16-it pillugit ataatsimoortumik inaarutaasumik nalunaarusiaq suliarineqaleruttorpoq.

Meeqqat pillugit sulianik suliaqarnermi kommunit suli qaangerniagassaqarnerat Naalakkersuisut eqqumaffigaat. Kalaallit Nunaannit aningaasaliissutit atorqarneqarsimasut kommunini meeqqat pillugit sulianik suliaqarnerinut qanoq atorqarsinnaanersut maanna eqqarsaatersuutigineqarpoq.



e)

*2023-ip naanerani isumaqatigiissut atorunnaarpat aningaasat atorneqanngitsut Nunatta Karsianut utertinneqarnissaat Naalakkersuisunit siunertarineqarpa?*

Akissut: Meeqqat pillugit sulianik suliaqarnermik kommunini annertuumik qaangerniagassaqarnera pissutigalugu aningaasat atorneqanngitsut kommuninik tapersersuinerup ingerlateqqinnissaanut atorneqarnissaat Naalakkersuisut sulissutigaat. Apeqqut d)-mut qulaaniittumut akissut innersuussutigineqarpoq.

**Apeqqut 3 Meeqqanut inuusuttunullu nuna tamakkerlugu ulloq unnuarlu angerlarsimaffinnut konto pingarneq 30.10.37 pillugu Kukkuersuineremut Ataatsimiititaliap apeqquteqaatai**

a)

*Naatsorsuutit pillugit nassuiaatinut ataatsimiititaliap apeqquteqaataanut Naalakkersuisut akissuteqaataanut aallarniutigalugu ataatsimiititaliaq qujassuteqassaaq. Naalakkersuisut akissuteqaataat aallaavigalugit 2022-imut naatsorsuutitut sunniuteqartut akiliutit utertinneqarnerinut pissutaasoq sukumiinerusumik nassuiaatigineqarnissaat ataatsimiititaliamit kissaatigineqarpoq.*

Akissut: Isumaginninnermut Aqutsisoqarfik Avannaata Kommunanit 2021-mi novembarimi saaffigineqarpoq, qaammammut akiliutit Excel arkimut immiussorsimasat Isumaginninnermut Aqutsisoqarfimmit utertillugit akilerneqartussaasut isumaqarlutik. Allattorsimaffimmi meeqqat Uummannami Meeqqat Angerlarsimaffianni Sarliamilu najugaqartut arlaqartut taaneqarsimapput. Avannaata Kommuniata misissorsimavaa, meeqqat sorliit efterskolernersut imaluunniit Aasianni GUX-imi atuarnersut, piffissamilu meeqqat ilinniarfimiissimaneranni Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50-imi 31. aggusti 2021-meersoq naapertorlugu akissarsiat ikilineqassasut. Isumaginninnermut Aqutsisoqarfiup suliat ataasiakkaarlugit misissorpai sulianilu tamani immikkut inatsisitigut naliliilluni. Kingorna Isumaginninnermut Aqutsisoqarfiup inatsisitigut naliliinerit ataasiakkaat tunngavigalugit aningaasat ilai utertillugit akilerpai. Katillugit 3.866.055,22 kr.-it utertillugit akilerneqarput.

b)

*Pineqartumi aningaasartuutit qaffakkiartortut kommunit malugisimagaat peqatigisaanillu akigitinneqartut meeqqap ilinniagaqarnerata nalaani ulloq unnuarlu angerlarsimaffiit meeqqamut aningaasartuutaat pisariaqartinneqartunut naammangitsut ataatsimiititaliamit eqqumaffigineqarpoq. Namminersorlutik Oqartussat nalunaarutaanni nr. 50, 31. august 2021-meersumi §49 naapertorlugu Naalakkersuisut kommunalbestyrelsillu isumaqatigiinniareerneranni akiliutigineqartartoq aalajangersarneqarsimavoq. Atuivallaartoqarsinnaanerani atuinikippallaartoqarsimaneraniluunniit ulloq unnuarlu siunissami akigitinneqartussanut ilanngunneqartalissapput. Ukiumoortumik akigitinneqartussanut isumaqatigiinniarnert aallaavigalugit ajornartorsiutinut taaneqartunut tunngatillugu aningaasaqarnikkut mianerisassat naleqquttumik isiginiarneqartutut Naalakkersuisunit nalilerneqarnerisut ataatsimiititaliamit paaserusunneqarpoq.*

Akissut: Isumaginninnermut Aqutsisoqarfik isumaqarpoq, inatsimmi atuuttumi meeqqat ulloq unnuarlu paaqqinnittarfimmut inissinneqarsimasut ilinniarfimiittussanngortut aningaasaqarnikkut naammaginnartumik pingaartinneqarsimangitsaq.



Ilinniartimmiittussanngornerup aningaasalersorneqarneranut malittarisassat Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni nr. 50-imi 31. aggusti 2021-meersumi aalajangersarneqarsimavoq.

Nalunaarut aningaasalersuinissamut pingasunik periarfissiivoq:

1. Kommuni tamakkiisumik akiliisarnera ingerlaannassaaq. Imaappoq meeqqap inini pigiinnassavaa, meeraq qaqugukkulluunniit ulloq unnuarlu paaqqinnittarfimmu utersinnaassaaq (tamatumani ilanngullugit atuangiffeqarnermi sapaatillu akunnerisa naaneranni), taamaattoqartillugulu meeqqamukarsinnaasumik sulisoqarnikkut tapersersuisoqarluni.

2. Meeraq anissaaq aamma ulloq unnuarlu paaqqinniffik piareersimasuutinneqarnermut akissarsitineqartassaaq nalunaarummi § 52, imm. 1 naapertorlugu. Meeqqap inini annaassavaa sapaatillu akunnerisa naaneranni atuangiffeqarnenilu ulloq unnuarlu paaqqinniffimmu utersinnaanani. Meeqqap atuangiffeqarnermi/sapaatit akunnerisa naaneranni ilinniarnerrullu naammassereerneranni sumiiffimmik ornitassaqarnissaa kommunip isumagissavaa.

3. Ulloq unnuarlu paaqqinnittarfik meeqqamut immikkut ittumik kiffartuussinissaa pillugu ulloq unnuarlu paaqqinnittarfik kommunilu isumaqatigiissuteqassapput nalunaarummi § 55 naapertorlugu.

Misillitakkat tunngavigalugit, tamatumani Uummannami Meeqqat Angerlarsimaffianni meeqqat pillugit suliat sisamat aalajangersimasut ilanngullugit, Isumaginninnermut Aqutsisoqarfik isumaqarpoq, inatsimmi atuuttumi meeqqat ulloq unnuarlu paaqqinnittarfimmi inissinneqarsimasut ilinniartimmiittussanngorpata aningaasaqarnikkut naammaginantumik pingaartinneqarsimangitsoq.

Nalunaarummi § 51, imm. 3 imannak paasineqarsimavoq, meeqqap efterskolernissaa allatulluunniit ilinniartimmiinnissaa pillugu kommunalbestyrelsi aalajangerpat kommunalbestyrelsi ingerlaannaq illuinnaasiortumillu ulloq unnuarlu paaqqinnittarfimmu aningaasaliisarneq tamakkiisumik akiliuteqarnermiit akissarsiat apparnissaannut allannortitsinissamik pisinnaatitaaffeqarluni. Aamma isumaqartoqarpoq, akissarsiat apparneqaraluartut meeqqap inini pigiinnassagaa kiisalu ulloq unnuarlu paaqqinnittarfimmit sulisumit tapersersorneqaannassasoq atuariatunnginnermisut.

Akissarsiat isumaginninnermi ikiorsiissutit tunniunneqartartut atuuttut pillugit kaajallaasitaq 1. januaari 2023-meersoq naapertorlugu ullormut unnuamullu 184 kr.-uvoq. Akissarsiat taamaammatt ulloq unnuarlu tamakkiisumik akiliuteqarnermit appasinnerujussuupput. Assersuutigalugu Uummannami Meeqqat Angerlarsimaffiannut ulloq unnuarlu ataaseq tamakkiisumik akiliut 2.591 kr.-uvoq.

184 kr.-mik akissarsiat meeqqap ilinniartimmiinnerani piareersimasuutinneqarnermut atatillugu ulloq unnuarlu paaqqinnittarfiup aningaasartuutaanik matussusiisarnerat akuttuvoq.

**Apeqquut 4. Apeqquutit kingulliit Ilaqutariinnermut Peqqissutsimullu Ataatsimiititaliami  
suliarineqartumut immikkoortoq 29-imut nalinginnaasumik oqaaseqaatinut  
tunngassuteqarput:**

**4.1.**

*Issuaaneq: "Sulisaatsimi paasinarsisimavoq ingerlatsineq pillugu isumaqatigiissuteqarneq akuerisaanissamut piomasaaqaatinut atatillugu nammineerluni pingaaruteqanngitsoq. Taamaattumik Inatsisit allannortinnissaannut siunnersuutikkut matumuuna ingerlatsineq pillugu ulloq unnuarlu paaqqinniffiit Naalakkersuisullu akornanni isumaqatigiissuteqarnissamut piomasaaqaat peerneqarpoq".*

*Qulaani allassiasup oqaasertaliorneqarnera tamatumalu allannortinneqarneranut tunuliaqutaasup Naalakkersuisumut itisileqquneqarput?*



Akissut: Ulloq unnuarlu paaqqinnittarfinnut akuersissutinik tunniussinermut akuersissutinillu utertitsinernut piumasaqaatit amerlallutillu annertupput, taamaammallu ingerlatsinissamik isumaqatigiissutit pisariaqaratik. Ulloq unnuarlu paaqqinnittarfinnik pilersitsinermut ingerlatsinermullu nalunaarummi §§ 11-48 innersuussutigineqarput. Nalunaarummi taamaammat ingerlatsinissamik isumaqatigiissutit pillugit aalajangersagaqarunangilaq.

#### 4.2.

*Issuaaneq: "Meeqqat illui pilersaarutaapput 2022-2024-mi illoqarfinni pingasuni ukunani ingerlanneqartussat: Maniitsoq, Ilulissat aamma Tasiilaq. Pilersaarummit matumani misilittakkanik pissarsisoqareerpat meeqqanut ilaqutariinnullu sullissivinnut atatillugu illoqarfinni amerlanerusuni meeqqat illuinik pilersitsinissamat kommunit kissaateqarsinnaanerannut tunngavissiisinaavoq".*

*Meeqqat illuinik pilersinniarneqarnerinut tunuliaqutaasoq nassuiaqqullugu aammalu neqeroorutip suliarineqarnerani inatsisit tunngavigineqartut nassuiaqqullugit Naalakkersuisoq qinnuigineqarpoq?*

Akissut: Danmarkimi 2022-mut aningaasanut inatsimmi nunatsinni illoqarfinni pingasuni ilaqutariinnut sullissivinnut atassuteqartillugit meeqqat illui pillugit suliniummik aallartitsinissamat aningaasaliisoqarpoq. Tamanna nunatsinnit Folketingimut ilaasortap suliniuteqarneratigut kommuninilu pineqartuni borgmesterit aamma Meeqqanut, Inuusuttunut Ilaqutariinnullu Naalakkersuisoq oqaloqatigereerlugit pivoq. Meeqqat illuisa siunertaraat meeqqanut innarlerneqarsimasunut, killisiuinissamat atugassaqaartitsinissamat katsorsaaniissamillu periarfissiinissamat najukkami atugassaqaartitsinissaq. Meeqqat illui pillugit suliniut "matu-ataaseq-tunngavigalugu" sapinngisamik suliassaqaarfii assigiinngitsut akornanni innarliisoqarsimatillugu paasisimasallit ilanngunneqartartut illumi katersuunneqarsinnaanerannik malinnippoq.

#### 4.3

*Issuaaneq: "Matumunnga meeqqanut ilaqutariinnullu sullissiviit najugaqarfinnut, meeqqat illuinut qimarnguinnullu nutaanut atassusiinissamat kommunit toqqagaqarpata taamatuttaaq aningaasaqarnikkut allaffissornikkullu matumani sunniuteqassaaq".*

*Kommunit aaqqiissut taanna toqqarneqassappat qanoq takorluuisoqarnerisooq/ aningaasatigullu kingunerisassat saqqummersinnaasut pillugit Naalakkersuisumut nassuiaqquneqarput?*

Akissut: Kommunit namminneq aningaasaatitik atorlugit ilaqutariinnut sullissivinnik, ilaqutariit illuinik najugaqarfinnillu assigiinngitsunik pilersitsillutillu ingerlatsereerput. Qimarnguinnut tunngatillugu qimarnguinnik ingerlatsinermut 50 %-it tikillugit taperneqarnissamat qinnuteqareertoqarsinnaavoq, kontomi pingaarnermi 30.14.29-mi aningaasaliissutit immikkoortinneqareersimallutik. Inerisaanissamik kommunit kissaateqarpata aningaasaqarnikkut allaffissornikkullu sunniutaasussat kommunit namminneq nammattussaavaat.

#### 4.4

*Issuaaneq: "Akissut: Tusaatissat tiguneqarpoq. Inummik tapersersortissamik aamma angajoqqaatut oqartussaassusilinnut iliuusissanik pilersaarusiortoqarnissaanut aalajangersagaq inatsisissatut siunnersuummit peerneqarpoq. Iliuusissatut pilersaaruteqartoqarnissaanut piumasaqaat angerlarsimaffimmi isumassuinerneq avatangiisit pitsaanerulersinneqarnissaat anguniarlugu meeraq pillugu iliuusissamat pilersaarummi erserpoq. Piumasaqaat taanna allatut itisilernerqarumaarpoq".*

*Piumasaqaatip matuma qanoq itisilernerqarsinnaanersooq nassuiaqqullugu Naalakkersuisoq qinnuigineqarpoq?*



Akissut: Meeqqanik tapersersuinnermut nalunaarummi § 7 aamma meeqqanut tapersersuinnermut inatsimmi oqartussaasunut ilitersuut innersuussutigineqarpoq. Nalunaarut oqartussaasunullu ilitersuut itisilerneqassapput, isumassuinnermi avatangiisinut suliniuteqarneq angajoqqaatullu akisussaassuseqartut ukkatarineqarnerulerpata.

#### 4.5

*Issuaaneq: "Akissut: Isumaginninnermut Aqutsisoqarfik massakkorpiaq kommunini suliaassanut sulisunik atukkiussinissamat naammattunik sulisoqanngilaq. Kommunit ikiorneqarnissaasa aaqqiiffiginissaat sulissutigineqarpoq".*

*Ikiorserneqarnissamik pisariaqartitsineq qanoq ikiorsiiffigineqassanersoq piviusunngortinneqarsimanersorlu nassuiaatigeqqullugu Naalakkersuisoq qinnuigineqarpoq?*

Akissut: Isumaginninnermut Aqutsisoqarfimmi kommunimi suliaassanik isumaginninnissamat atukkiussinissamat massakkut naammattunik sulisoqanngilaq. Tamanna kommunini annertuumik najuuttariaqarnermik ilaatigut pissuteqarpoq.

Sulisunik atukkiinnermi Isumaginninnermut Aqutsisoqarfiup meeqqanik tapersiisarnermut, inunnik innarluutilinnik tapersiisarnermut aningaasaqarnermullu inatsisit malillugit pisussaaffinnik isumaginninnissamat sulisut ikinnerulissapput, Isumaginninnermullu Aqutsisoqarfik aamma nuna tamakkerlugu sulianik suliaqarnermut tapersersuinissaq siunertaralugu siunnersuinnermik, ilitersuinnermik, aqutissiuussinnermik pikkorissaanernillu isumaginnittussaalluni.

Meeqqat pillugit suliat uninngasut ikilisarnissaannut aama meeqqat pillugit suliat suliarinerannut digitalimik aaqqiissuteqalernissamat kalaallit danskillu oqartussaasoqarfiisa akornanni suleqatigiinnermi siunertanut 5-imut aamma 6-imut atatillugit, Isumaginninnermut Aqutsisoqarfik kommunit tamaasa tikissimavai ilaatigullu issiaqatiginnilluni ilinniartitsinnermik, siunersioqatigiinnermik suliatigullu piginnaanngorsaanermik ikiuussimalluni.

Kisianni Isumaginninnermut Aqutsisoqarfik kommunimiikkunnaaraangat suliarpassuarni suliat suliarineqarnerat malitseqartinneqarneq ajornerat misillitagarineqarpoq. Isumaginninnermut Aqutsisoqarfiup ikiuunnerata sunniutaa taamaalilluni siunissaq eqqarsaatigalugu killeqarpoq.

Internetsikkut suliaqarneq aallartinneqarsimapput atorneqarnerujartorlutillu. Isumaginninnermut Aqutsisoqarfiup internetsikkut suli annertunerujartortumik ingerlatsisoqarsinnaalernissaa ataavartumik sulissutigaa. Taamaalilluni Isumaginninnermut Aqutsisoqarfiup kommunini sulianik suliaqarnermik tapersersuinnera eqaannerulerpoq isumalluutinillu atuinannginnerulluni Isumaginninnermut Aqutsisoqarfimmi kommuninilu.

Isumaginninnermut Aqutsisoqarfik internetsikkut saqqummiinnermik aamma sulianik suliaqartut aqutsisullu internetsikkut attaveqatigiittarfiannik pilersitsinnermik misillitagaqalerpoq, suliniuteqarnerullu novembarimiit annertunerulernissaa pilersaarutigalugu. Kommunini sulianik suliaqartut internetsikkut issiaqatigalugit annertunerusumik ilinniartinneqarsinnaalernissaannut periaasissamik suliaqartoqarpoq.

Isumaginninnermut Aqutsisoqarfimmi sulineq aamma imannak aaqqiissuunneqarpoq illoqarfinni tamani kommunini sulisut aalajangersimasumik siunersioqateqartassallutik. Tamatumani kommunini tamani tapersersuinnerup sunniuteqarnerulernissaa naatsorsuutigineqarpoq.

Isumaginninnermut Aqutsisoqarfik meeqqanut inuusuttunullu suliaasaqarfimmi sulianik suliaqarnermik digitalimik ilinniartitsinnermik (e-læring) inerisaanissamat periarfissanik misissuilluni aallartippoq. Digitalimik ilinniartitsineq siullermik sulianik suliaqartunut ilinniarsimangitsunut suliaasaqarfimmi killilimmik misillitagalinnut ilisarititsilluni/tunngaviumik pikkorissaanertut siullertut eqqarsaatigineqarpoq.



Sulianik suliaqarnermi kommunit piginnaasaasa nukittorsarneqarnissaat siunertaralugu najuulluni pikkorissaanernik issiaqateqarlunilu ilinniartitsinerit Isumaginninnermut Aqutsisoqarfimmit sulii ingerlanneqartarniarput.

ESDH-systemi Get Organized / meeqqat pillugit suliaqarnermi app'i atorlugu meeqqat pillugit sulianik suliaqarnermik digitalinngorsaaneq meeqqat pillugit suliat pitsaassusaannik sunniuteqartorujussuunissaa naatsorsuutigineqarpoq. Isumaginninnermut Aqutsisoqarfik suleriaatsinik suliaassallu tullerriaarnissaannut ilitsersuutinik suliaqarsimavoq, inatsisit malillugit sulianik aqqissuussamik suliaqarnissamut sulianik suliaqartunik ilitsersuisussamik. Get Organized kommunini tamani atulersinneqarsimavoq, naatsorsuutigineqarlunilu systemimik atuinermut kommunini sulianik suliaqartut tapersorsorneqartuarnissaat pisariaqartinneqassasoq. Isumaginninnermut Aqutsisoqarfimmit pilersaarutigineqarpoq internetsikkut aalajangersimasumik ilisarititsisoqartassasoq kommunimi sulisut tamarmik systemimik atuisinnaanissaat qulakkeerniarlugu.

Suliani aalajangersimasuni siunnersuinerimut ilitsersuinerimullu atatillugu akimmiffeqarsinnaavoq kommunini pineqartuni Get Organized Isumaginninnermut Aqutsisoqarfimmi sulisunit avataanit isersinnaatinneqangippata.

Inussiarnersumik inuulluaqqusillunga

Aqqaluaq B. Egede